

Ita o wuḍ ha-wehejeḍ k wes k nanko mas O’odham mo in ha’icug Jujkham ha-ṣagit, kc ap a’aga mo has masma ap ju’i:k hega’i wejic jehani:k am ha-wehejeḍ hegam mat am o hema da’i heg eda mo ap e-a’aga REGIDURÍAS ÉTNICAS eda k koñal ki kc mat has masma ap ju’i:k mat am o hema dahiwa k ok:s kc amejeḍ mat am o i-uṣ, am o hema da’i keli, kc aṣi masma ap o e-wutaḍ am hu:kam mat hegiti o hu’uk o am o kami’al:t hega’i jehani:k.

Wes am o ha-wa’it k nanko mas O’odham ha-kokonal, kc ha-wañimedadham, kc hegam mo am ba’ic kekog k e-hemajkhamaga wehejeḍ kc wes hegam mat hegi’u am i-ba’iwic k e-gama’i gigi’ik ahidag, mo in ki it eda mo ap e-a’aga SONORA mat am o ha’icugat ha-wem k INSTITUTO ESTATAL ELECTORAL Y DE PARTICIPACIÓN CIUDADANA mo in ha’icug SONORA ceḍ, mat am o e-ag mo hascu ap elit hega’i wejic jehani:k mo e-ag mat hahawa o e-ta:cu mat am o kami’al:dat wes wa’ik ahidag webig mat o wuḍ ok:s kc amejeḍ k keli o webek k keli kc amejeḍ k ok:s mat am o daḍ:ha’iwa ha-wehejeḍ e-hemajkhamaga ama’i mo heba’i am ki. Hemos at am o m-a i’a amejeḍ hega’i mat hascu ap o e-ju webek kc hegidi ap o e-ju.

- **Wenog amejeḍ k gama’i cu:tp (16) k al juki’abig maṣat (octubre) am hu:kam k gama’i gi’ik (14) k s-keg s-hepejig maṣat (noviembre), it eda ahidag gok mil goko wa’ik (2023)**

At am o ha-jeñik kc am o wes ag hega’i mo ap ju’ik:s hek ap jehañik kc am o i ha-wem:t wesic mat o s-ap o s-amicudat kc am o ha-je:kel mat am o a’aga mo has masma o s-apekat o pi’o ape:kat am ha-wehejeḍ k ha-hemajkhama hegam nanko mas O’odham kokoñal kc hegam ha:i mo wuḍ ha-wañimetadam k e-hemajkhamaga.

- **Amejeḍ k gama’i heta:sp (15) k am hukam k go:ko hemako (21) k s-keg s-hepejig maṣat (noviembre) it eda ahidag gok mil goko wa’ik (2023) at o e-a’aha mat am o ñi hega’i wejic jehañik kc hascu e-tacu mat o kami’al:t.**

Hegam kokoñal kc ha-ju:jakham k wes k nanko mas O’odham mat am e-wa’i mat am o ha’icug kat ama’i mat am o ka’i:ham kc am o ha-ag mo has masma ap elit hega’i wejic jehañik kc am ep o ha-je:kel aṣ cum heda’i wehejeḍ mat am o ha-ag mo has masma s-hoho’it o pi’o hoho’it hega’i jehañik kc am ep o ha-a mo hascu ag ap masma ap elit hega’i, kc masma am o a:i e-wem:t mat o s-ap s-keg o i-uṣat am wes ha-wehejeḍ k nanko mas O’odham mo in ha’icug.

- **Mat am o e-a’aha k go:ko gok (22) am hukam k wa’iko westamam (30) k s-keg s-hepejig maṣat (noviembre) it eda ahidag gok mil goko wa’ik (2023) at ep am o ha-wa’it k kokoñal mat am o ha’icug kat mat am o ha-ag mat has masma am wi hega’i wecij jehañi:k.**

It eda at am o e-hemaba’i hegam mo am cipkañ k IEEyPC wehejeḍ kc am ha-wem k wes k nanko mas O’odham kc am o ha-ag mo edagit k wewa’ak taṣ mat am o a’at k e-o’ohana ha-wu’i k IEEyPC , kc am o ha-ag mo hascu ap elit mat am o kami’al:t, o mo hascu ap elit k ha-wejic jehañik mat am i-apec am o’idam wenog mat am e-nam, si we:pek.

- **At ep o e-nam kc am o a’aga kc am o ha-ka’iham mo hascu ap elit hega’i jehañik wenog goko westamam (20) am hu:kam k goko cu:tp (26) k s-keg s-hepejig maṣat (noviembre) it eda ahidag gok mil goko wa’ik (2023).**

Hegam k IEEyPC at am ha-wem o daḍ:ha’iwa k nanko mas O’odham kc ha-kokoñalaga, kc am o ñi kc am o a’aga mo has elit hegam o’ohana mat am e-a’at mo ap ju’ik:s mo hascu ap elit hega’i jehañik kc hascu ap o kami’al:t o mat muhap o i-ju, kc weco ita o ap ju’ik:s hascu taṣ am o e-nam kc heba’i kc heda’i ha-wem.

It eda taṣ at am o e-nam.	Heba’i o e-nam.	Heda’i ha-wem o e-nam
Go:ko gok (22) k s-keg s-hepejig maṣat (noviembre) gok mil goko wa’ik (2023).	Ge’e pic:kin (Punta Chueca)	Ṣe:l kc kikapu
Go:ko gi’ik (24) k s-keg s-hepejig maṣat (noviembre) gok mil goko wa’ik (2023)	Cajeme	Hihakhim kc o’ob
Go:ko cu:tp (26) k s-keg s-hepejig maṣat (noviembre) gok mil goko wa’ik (2023).	Navojoa	Mamayo kc makurawe
Go:ko humo:kt (29) k s-keg s-hepejig maṣat (noviembre) gok mil goko wa’ik (2023).	Kawol:k	Kukapa kc tohono O’odham kc Ob

- **Wenog k gama’i hemako (11) k ge’e s-hepejig maṣat (diciembre) it eda ahidag, gok mil goko wa’ik (2023) at am o e-ṣonewa mat o i-ṣelic wes ha’icu mat am e-a’aga amejeḍ mat si wepek e-nam.**

Hegam mo an daḍ:ha heg eda mo ap e-a’aga Consejo General, wehejeḍ k IEEyPC at am o hema nato k o’ohana amejeḍ wes hega’i mat am e-a’aga wehejeḍ hega’i wejic jehañik mo ap ju’ik:s mat hema am o weco dahiwa k Jukham koñal eda k koñal ki, mo wuḍ ok:s he:mu’a am o hema je:kel k keli mat o e-a’i mat o i-uṣ kc am hema ep o da’i kc baṣi masma ap o hi:mat am wehejeḍ hega’i mo ap e-a’aga REGIDURÍAS ÉTNICAS kc am wes o ha-ag k nanko mas O’odham mo in ha’icug ha-ṣagit k Jujkham mat has masma ap o wi hega’i jehañik.

Ha’icu ap o ba’ici s-macim it amejeḍ ampt s-ap am o hegac k koko’i ma:gina kc ap o ju k ieesonora.org.mx kc ama’i ampt s-ap o ñi mat has masma ap wi am wes ha-wehejeḍ it amejeḍ wecij jehañik.

Hermsillo, Sonora. 09 octubre de 2023